

# Sitwasyon, Bahin 1

Si Luis nakauli na sa panimalay gikan sa iyang hapit duha ka tuig nga misyon. Tungod kay siya nabalaka mahitungod sa pagbuhi alang sa umaabot nga pamilya, midesisyon siya sa pagtrabaho og part time samtang siya nag-eskwela. Limitado ang iyang oras, apan siya malingaw sa iyang sinemana nga klase sa institute ug naghimo niini nga usa ka prayoridad. Kasagaran motan-aw si Luis sa social media ug magdula og mga dula diha sa bus o sa wala pay klase. Siya walay nahimamat nga daghang babaye sukad siya miabot sa panimalay. Nagsulti siya sa iyang pamilya nga gibati niya ang ingon og mas maayo ang paghulat sa seryosong pagpaninguha og kaminyoon hangtod mahuman siya sa pag-eskwela. Nagtuo siya nga kon pagbuot na nga siya maminyo dayon, kini mahitabo.

Si Emma nagtambong og sama sa klase ni Luis sa institute apan wala gayod sukad makahimamat kaniya. Kasagaran siya molingkod tupad sa iyang mga higala ug panagsa ra nga makig-istorya ngadto ni bisan kinsa pa. Nawad-an na siya og paglaom sa pakighimamat og mga lalaki ug sa pagpakig-date sa kinatibuk-an. Siya nabalaka nga kon siya magsugod og laing relasyon, kini matapos, sama sa uban niya nga nanglabay. Kapoy na ang iyang kasingkasing ug wala mobati nga siya adunay igo nga enerhiya nga mosulod pa og laing relasyon. Nahuman na siya sa pag-eskwela usa ka tuig na ang milabay, ug adunay full-time nga trabaho. Nabalaka siya nga tingali dili na gayod niya mahimamat ang iyang tinuod nga gugma o masyo diha sa templo ug naghunahuna kon kinahanglan ba siyang makig-date og usa ka tawo nga dili miyembro sa Simbahan.

Human mabasa og dungan ang sitwasyon, hisgoti ang mosunod nga mga pangutana:

- Unsay inyong hunahuna sa mga kabalaka ni Luis ug Emma?
- Naghunahuna sa unsay atong nakat-onan gikan sa seksiyon 1 sa materyal sa pagpangandam, unsa nga tambag ang makatabang kaha ni Luis? Unsa nga tambag ang makatabang kaha ni Emma?
- Kon kamo wala pa magkaistorya mahitungod sa mosunod nga mga tudling diha sa inyong panaghisgot sa grupo, pagdungan og basa niini ug paghisgot kon sa unsa nga paagi kini kalabot ngadto ni Luis ug Emma: Mga Proverbio 3:5–6; 2 Nephi 22:2; Doktrina ug mga Pakigsaad 58:26–28. Giunsa ninyo sa paggamit o unsaon ninyo nga makagamit og hugot nga pagtuo diha sa Ginoo sa inyong mga paningkamot sa pagpangita sa inyong mahangtorong kapikas?